


書





南堂詩鈔原序

余自來京師日閉戶從事史吏多不與外人交惟  
一二故鄉親交時或過從因宗伯雲麓富公得識  
潯江施君於座上見其循々儒雅絕無世胄裘馬  
習心竊敬之然未知其能詩也無何潯江歸省其  
尊人元侯於故里不相聞問者久之人有傳其能  
詩者心雖識之然亦未得見其詩也甲子春潯江  
復來京師至即相過晤語後稍及詩事間出一二  
章見示心洒然異之然終未見其全詩也今年夏  
潯江始出其全稿以相示朗然穆然冲蠲大雅有





南堂詩話卷之九  
一  
此興之遺得溫厚之旨然後知潯江真當世之詩人而惜見其詩之晚也夫詩豈易言哉不本於風雅則其源不正不出乎性情則其境不真不博通乎經傳子史則其學不大潯江少習三百篇能究其指趣於君臣師友之際性情復能自見讀書耽玩探索不僅觀大意而止宜其抒而為詞者意與筆俱情和境會非他人所可及也君今且出而仕矣古之詩人如江文通韋應物魏信陵輩皆以文章著於政事語曰心和則氣味氣和則政味君本溫柔敦厚之意以敷政豈復有競綵者哉況君之

名齋也以靜詩曰我靜如鏡民動如煙本其衷之澄一者以鑒物豈有遁形也歟吾知君且與文通諸賢媲美古今矣因書之以為序太黃虞稷楮

園

自韓昌黎序荆潭唱和詩謂歡愉之辭難工窮苦之言易好於是天下後世之為詩者率多學為幽憂感憤淒切無聊之辭以為非是無以道其性情而不見其佳而天下後世之讀詩者亦多愛其幽憂感憤淒切無聊之辭以為非是無以道其性情而不見其佳孰知昌黎之為是說夫固有感而然



是豈不易之定論哉余蓋讀吾友潯江之詩而得之矣潯江性沉靜生長公侯之家好讀書能為古文詞其於詩也尤沉酣於杜少陵夫少陵一詩大而軍國朝埜細而虫魚草木莫不寄其忠君愛國憂天憫人之意迄今讀其詩猶聞愁苦歎息之聲潯江而沉酣少陵也宜有以激昂其氣哀怨其音何以其音鏘然其氣適然神蒼骨秀體高調逸絕不假幽憂感憤淒切無聊之辭以纏綿其筆端而所謂幽憂感憤淒切無聊之辭卒莫有以勝之雖所遭之境使然要非博古好學大肆其力於文章

亦烏能悠揚暢快若是乎嗟夫雜工者既工矣易好者宜好矣又何以窮愁困苦如余欲求好其言而不可得豈非才有逮有不逮歟然則昌黎之言不見信於潯江者潯江可以無愧古人而其不見信於余者余愧古人且愧潯江矣夫一代之興則有一代偉人起而鼓吹休明此亦人事之必然者潯江行以天子命出宰方州其自叙有曰虞廷賡歌周文燕鎬其在時之或遇乎潯江而無意於斯也潯江而苟有意於斯吾知其必能發為大雅之音於以鳴國家之盛又豈徒斤斤工為歡愉之



辭已哉顧安得起昌黎而與之共見耶鄭纘祖遠公

余甫至海陵其地之縉紳先生暨諸父老咸嘖々  
穰州守施君之賢謂答龔黃召杜之流亞也已而  
又與之處果見其敏而裕廉而不劇批卻導窾恢  
恢乎游刃有餘地則洵知其為良吏矣與之談言  
論斐媿與俗輩不同徐出其所著詩草一帙覽之  
泓然以清蔚然以秀其風神格律幾々乎登作者  
之堂則又卓然一詩人也夫以良吏而能詩者自  
古迄今所在都有獨尊人琢公先生以方牀召席

之烈立功海外世享侯封而施君恂々然弱不勝  
衣以廉靜之才出入風雅之林是則尤可異也閩  
中固多詩人如王孟陽林子羽趙景哲鄭善夫諸  
公在明初為最盛流風遺韻漸被已久而君適綰  
綬茲上海陵之長於詩者亦自不乏試於聽政之  
暇與孝威仙裳諸子覽其山川風物以托諸咏歌  
互相鼎唱所著日多詩格亦日進異日下輜軒之  
使采詩以觀民風海陵其先及乎杜少陵贈嚴中  
丞詩有六政簡移風速詩清立意新余請移此以  
為施君贈亦庶乎其有當也已孫在豐岷瞻



海陵使君施潯江先生涖郡三載爰哀其近作屬  
余為之序余讀之平業歎曰公之不可及也公以  
五等諸侯之苗裔不愛茅土之封玩好之物衣租  
食稅之樂乃退而修文人之業對策 大廷為

天子所深獎特授知泰州泰固名邦漢時封親藩  
子弟曾鑿茱萸灣置倉海陵以儲紅粟而今稍敝  
公至不以貴凌人一切迎送期會如常儀又時以  
循井里察問父老民間諸疾苦廉以律身而正以  
率物剴以制暴而慈以恤孱期月之餘催科不煩  
而蒲鞭不意鄰邑之人咸質寘芮之訟可不謂教

化大行哉公顧產乎廷禮子羽之鄉夙諳風雅而  
又久遊京雒與諸名流折衷歷代之正變商酌六  
義之指歸今雖服官臨民理繁治劇而筆墨未有  
廢焉凡登臨羈旅宴飲鼎贈以及憫俗憂時具有  
韋蘇州元春陵之遺意其質處皆華淡處皆古高  
處皆秀愷切而深中人心公自有天然入妙而  
非粉繪靡曼家所可望者諸文學托乘於後車宜  
無能贊一詞也余也懶慢迂踈不通人事家雖乏  
擔石而衡門晝掩高卧自如賴州大夫之賢實叨  
庇蔭且賦詩見贈獎飾踰涯而今受命余序其新



集草茅愚見詎足上測高深亦足見公之厚道誠心而非世路形迹之可擬者矣嗟乎富厚崇高雖足矜炫而惟卓然樹立乘天壤而光日月者斯堪不朽今觀公之政事再觀於文章余雖欲不歎為不可及豈可得哉鄧漢儀孝威

天下惟至性人能豎立三不朽豈不眎乎其志哉書曰詩言志陸士衡文賦詩緣情而綺靡昭明序亦云詩者志之所之情動於中而形於言可見情因志生詩由情作故騷經美人香草之名無非寄其纏綿忠孝之意流傳不朽非偶然也潯江施先

生喜賦詩必有為而作顧其立志凡人品文章政事皆必欲占第一流雖通侯貴胄榮兼五馬而治郡清勤催科聽訟常日暮不遑飲食厨傳蕭然一如負士署中舊有芙蓉閣歲久湮廢先生重葺草屋數椽顏曰西園每退食即讀書其中修竹涼陰與鬢眉相映興來吟咏篇帙遂多蓋沐浴於三百篇楚辭漢魏六朝者深故為詩雅健蒼秀較舍弟俞邵太史所選京師舊刻又進一格固仕優勤學之明驗也余宇下治民漁樵江渚先生暇輒引談風月愚父子亦絕不以片肝累人南州之下榻



陳蕃北海之題門通德公貞古賢余慙後勁耳先生守泰有赫々名清則冰清敏則神敏明則鏡明此皆大江南北布滿口碑不具述大約以實心任事以誠悃接物以貞氣揮毫無一不出於至性讀其詩如見我愷悌君子神明父母焉戊辰獻歲屬書齋聯偶為集孝經毛詩成句夙興夜寐無忝爾所生立身行道揚名於後世先生曰此吾志也因序新刻並書識之黃雲仙裳

廣陵太守施君靖海將軍之子工詩有吏才初知泰州以廉能聞於上南巡擢為守君為人清正

無所撓屈而恤民疾苦甚殷數月吏畏民懷郡大治余較士貞州君來謁雅度冲素意頗相得既乃出其詩草請余序余聞閩中山水奇秀甲東南自南宋迄明人文爭勝江左本朝四十年来海寇負固變為用武之地人文亦稍衰微嗚呼風氣以人開以人勝其衰也由於氣運而剝復消息之際則天人參焉臺灣陡絕窮海數千里外澎湖崇崖峭舉為門戶崩濤山立簸啣天地星日無涯涘蛟鼉窟宅萬怪訇哮出沒而賊盤踞已歷四世其人猱捷善戰躡盪波濤如平地乃靖海一舉不十日



傾其巢郡縣其地此固天憫元々兵革之苦欲休息之而君之詩清韻和厚鼓吹風雅又以振起其文風則後此人文之盛不必有讓於宋明蓋可知矣余生長輦轂下叨侍從十餘年未嘗一經名山大川今奉命江左逾河涉江偏覽吳會金陵姑孰形勝南窳宣歙幽遐聳秀之觀又自皖口渡江歷廬鳳滁和而至於此然後歎向所吟咏不足發其志氣君生於閩又熟習將軍英略周旋旌旗壁壘望溟渤萬里蜃市川岳樓臺極天下之奇觀則其詩固別有以工者而詩之工何足怪也高齋

素侯

郡伯施先生三集詩刻成其出京邸仕江南詩凡三變屢變而愈上初集風華繼刻於海陵者沉著至守廣陵郡刻三集則益闕中肆外才橫而神藏駸々乎駕軼唐人有獨往之槩矣余讀之歎服人見其詩之高而不知其沉深好學為積厚而發榮也先生嘗告余曰士君子不可一日不讀書仕優則學聖門之訓也其在書曰學古入官議事以制其在詩曰古訓是式因題一清堂退食之地曰但得政中暇時親書裡人則先生之神明好尚可知



已廣陵舊稱風雅荆藪何水部吟梅於東閣鮑明  
遠作賦於蕪城而且文章太守歐蘇接踵今得先  
生領郡後先輝映足堪繼美蓋先生之政事卓絕  
一時先生之詩賦獨有千古先生之勤學不異儒  
素詩已臻上乘溫柔敦厚全得三百篇風人之旨  
而居官夙夜祇畏 國恩待鼎庭訓是凜氣益靜  
心益虛猶日望直諫多聞之友副其飢渴飲食之  
情以圖相長其學問豈徒以翰墨為勳績詞賦為  
君子也哉黃雲仙裳

聖門分政事文學為兩科然求也藝非無文學子

游宰武城非無政事特以所重者言之耳歷觀唐  
宋諸詩人有政蹟者多矣而皆以詩擅名如韋左  
司之刺蘇州白太傅之守杭州歐陽公之歷滁穎  
而兼開封尹蘇子瞻之任徐杭而移定州守多有  
善政可紀而世但以詩人稱之政事多為文學所  
掩其大較也此其故何哉蓋政之善者一時邦國  
傳之天下傳之久而見諸史策過則已焉即後世  
傳之亦指其行事識其姓名而已若夫詩人之集  
當時之人讀而傳之後世之人又讀而傳之其旨  
趣之工辭華之美足以使人聞風而悅慨然想慕



直欲師之友之邦之同堂而晨夕不忍舍去也此政事所以多為文學所掩也京兆潯江施公工於詩者也自其志學之年窮經核史性喜吟詠不事交遊稍壯以勳蔭出牧海陵歷守維揚秣陵二郡巡淮徐作藩吳楚入為卿擢京尹公之為政也以廉能稱不避權要一以慈愛為本其治郡取以除姦去蠹儼若神明而清操凜然即趙清獻海忠介不過是也此天下所共見而共傳而他日史官當載之名臣之列但其所為詩世未盡見而盡傳之公居官雖簿書旁午手不釋卷林膏繼晷至丙夜

始休故其詩高峻如泰華之峙浩蕩如江海之流魏莪有大人氣象堂皇具清廟遺音而丰姿秀擢才情橫放則風水相遭雲煙變幻而不可窮極大抵得之杜韓蘇陸為多其所刻有潯江集在金陵有集在湖南有集入都以後又有集其鈔布未盡世雖知之而無由讀之故但以政績稱公不知政績雖不可磨滅而文章光燄後來或亦掩之矣嘗讀史見魏鍾繇都督關中晉王羲之為會稽內史皆有經濟之才特以工於法書世重其筆蹟稱之曰鍾王而不及其他夫一藝之神尚能掩其人之



生平况文章載道又非技藝可比乎公後日必以文學掩其政事又何疑哉阮旻錫輪山

南堂詩鈔原跋

閩海施公起家通侯尊公大將軍冒蠻煙觸毒瘴  
跨海懸軍克復澎湖臺灣竟隸版籍使卉服文身  
之輩知 聖天子之威靈行於銅題鑿齒之國偉  
哉其大丈夫得志之秋乎夫人功蓋一世者其為  
後人愈難求其恪守成法不替休問稱善嗣矣欲  
其克振家聲清白自愛天下嘖々稱廉吏如誦駿  
烈焉豈可數々覩哉况廉吏而詩復臻絕境者此  
必不可得之數矣而公不然初公謁選得海陵守  
意甚不樂或問之曰海陵素被水之區瘡瘡未起



鴻雁飛鳴泣斯土者烏乎樂適吾家大阮俞邵公  
過焉曰海陵數十年前稱沃壤麥隴稻塍蟹閘漁  
柳紅粟相因固不知有水患也今雖舟楫行於臯  
阜之間魚鱉游於茆屋之內地無足取而人文有  
可觀者因衷出愚父子詩賦而讀之公曰快哉有  
是詩人也可與倡酬吾焉往而不樂乎及涖泰公  
式廬見訪如平生交暇時輒招過竹下苔蘚侵衣  
琴書滿座鐙火青熒吟興不倦洵可樂已公為政  
特立獨行不徇情不枉法父老扶杖而歌頌以為  
數百年所未見或問公可方古之何如人余謂劄

而直威而寬則汲黯其儔也儉而約廉而明則劉  
寵其侶也愛民無已所至戴惠則寇恂其類也精  
通經術獎進後學則文翁其人也 不避權勢守正  
不阿則蘇章其偶也然古之良吏各具一美而公  
則合而有之以實心行實政即以真情為真詩每  
一篇出遠近傳誦又以為李杜復生何公之才無  
所不可耶抑有以立乎其詩之先故世莫之及耶  
吾竊感今之牧民者矣庸之碌碌為營私封植之  
計見民之艱苦疾痛而不之救簿書鞅掌之中又  
無詩書道德之氣望風俗之躋於古可為輜軒之



采者萬々無有也而世之言詩者復咕嗶章句求為詩人而止有能施之政治本性情以化民者其可得乎乃益信公之詩有以立乎詩之先公之政有以運乎政之內其為必傳之人無起矣大將軍不愈增榮顯也哉余父子奉教於公寂义人竊起公之與余父子交為寂竒不知余父子不濫交一客其孤拙之性與公之骨鯁略相符故公樂為交家俞印公聞之當亦自樂知人之明讀公之集並樂大將軍之有榮施焉受業黃泰來交三君之尊人有大功於國家侯封萬里君以貴公子

而能戴星長民起家州縣其太流俗也遠矣君晉水人而治於泰閩中山川絕勝生其地者往々能詩泰州枕江臂淮有天目羅浮之山太子港七星丹諸蹟有曾肇趙抃以文章政事顯君之宰也循覽山川考古賢哲詩之不墜忠厚咏平之意益可知也已徐乾學健葵

見詩觀選本

數年來聞海陵賢守施公之惠愛清廉貞所謂如漢代之潁川黃霸渤海龔遂之風勸畊桑而足民衣食時々景仰慕之而江都距海陵百里未遑一晉見也康熙己巳春 聖駕南巡聞施公清如水



南堂詩金原跋  
三  
炯如露特拜為維揚太守闔郡紳士子民懽忻歌  
頌喜得邵父杜母焉甫下車百姓皆樂安恬而厚  
鄉閭正風俗為之教養兼隆因以政治之餘以叶  
詠歌之雅衡不敏借同學許君師六宗君定九敬  
覽潯江詩集與吟箋新咏登諸名家詩成一編他  
日命太史陳詩以觀民風閱此帙得以嘉施公清  
廉之品惠愛之澤採政治而上 朝廷也王復衡

山公

見詩成選本

讀潯江詩集所謂清標特立一境不染湛然脫洒  
塵慮者也唐人王孟中當稱獨望王文謨孚嘉見

詩成選本

今之少司寇富沙鄭山公夫子徃年初仕江南靖  
江令多惠政時蝗飛不入靖境遠近莫不神之又  
鹽道崔公蓮生先生守維揚而民安田里曩曾為  
兩公選詩成循良合集今太守施公治揚值春旱  
禱雨而甘霖立時沛澤焉無不禱施公之感格而  
文人見諸歌咏也因同王君山公梓施公一冊合  
鄭崔詩成為循良三家焉夫施公涖郡惠愛不一  
而白鹿行春隨車致雨其政之最先者鼎曾為喜  
雨詩附錄於後使君禱雨，來蘇淮海隨車沛粟



珠萬戶青煙村塢密一犁黃犢野人扶桔槔聲裡  
推車網餉籃筐邊掛酒壺但聽催畊與布穀桑榆  
林落曉齊呼宗元鼎定九

見詩成選本

南堂詩鈔自序

余賦性薄劣既短於才而學又弗力雖志慕篇章  
然欲求一言之幾於古如所稱楓落吳江冷而不  
可得則詩豈易言哉間嘗曠覽古人三百篇尚矣  
降自漢魏六朝歷唐宋以迄今茲代不乏人其具  
一家言心聲所及皆有不可磨滅之處余既就是  
不樂外驚京居之日趨庭之暇每瞻皇居壯麗愧  
乏帝京之篇日睹西山鬱蒼慙無終南之作春而  
花明鳥媚秋而月朗風清感四序之代謝慨人事  
以榮枯目觸身經徵歌屬咏既不能忘形乎物我



又不敢以聾啞遇之是以弗計工拙聊學步於邯鄲而效顰夫西子也或曰詩非多讀書不可杜少陵不亦乎讀書破萬卷下筆如有神然則不破萬卷書不可以言詩而子顧欲挾其詹之一得以自衍得毋憲有售世之譏歎夫余何敢言詩哉夫豐城之劍不終於埋沒者以其有異氣也南山之豹寧甘於藏霧者以其有文章也今余無豐城之異氣而所謂霧豹之文章亦復索然非不自知其固陋惟是幼失問奇長衢有造顧餘篇而裴裒獲一言以躑躅方將共棄其非又若自愛其是亦留

靡決泛泛若孤舟之隨波是用不揣付諸剗剗與其哦對一室孰若就質大方之為得也嗟夫余何敢言詩哉亦惟道余之性情亦爾雖然梁甫之吟孔明之所以寄意也東山之咏安石之所以興懷也古人一吟一咏微義存焉若夫虞廷賡歌周文燕鎬其又在時之或遇乎

康熙乙丑菊月晉江施世綸文賢識



南堂詩鈔總目

卷一

各體詩一百一十首

卷二

各體詩一百五首

卷三

各體詩一百二首

卷四

各體詩一百二十二首

卷五



各體詩一百二十六首

卷六

各體詩一百七首

卷七

各體詩一百三十六首

卷八

各體詩一百三首

卷九

各體詩一百一十一首

卷十

各體詩一百二十二首

卷十一

各體詩一百一十六首

卷十二

各體詩一百四十四首

附

詞賦一卷



南堂詩鈔卷一前集

晉江施世綸文賢

讀書吟

閉戶謝送迎心清慮更濯正好讀我書敢辭習誦  
 數今人古不如古人太何邈安得起古人相對猶  
 如昨經史有陳編精靈在所托青鐙夜雨寒呼之  
 或可作恍然神智開毛髮皆濡渥聖賢道豈殊所  
 貴悟能卓游泳一春深春歸猶未覺

咏史

南陽有卧龍出處高其守人皆向孫曹君獨扶漢





后抱膝梁甫吟夙具經綸手非無濟時資三顧始  
回首知音感所遇良禽擇其偶當思躬畊時志豈  
在隴畝

又

鳳雛未高飛流落在東吳冠蓋滿南州司馬識異  
儒去吳復留漢跼蹙可長吁竟非百里才淹抑困  
泥塗嗟哉英雄主顧取失賢愚安知案牘間風雲  
起壯圖

又

孤高天地中何處非吾道立身惟忠信風濤可自

保金丹多愚俗吁嗟拾瑤草嵇康學養生方期服  
食老煨煉成殺身何曾顏色好悠悠廣陵散千載  
傷懷抱

又

豔色非所恃蛾眉誠悞身嫫母天下貴西施湖海  
人嗟哉漢宮女沈滅幾經春乍得君王識已蒙塞  
上塵琵琶空留月青草塚猶新才華多棄置丈夫  
為酸辛

落日

落日薊門春他鄉節物新烏啼臨陌路花發待歸



人

春酌

漱澗碧溪東桃花覆水紅不愁春色盡惟恐酒尊空

海嶠喬松圖歌

日暖風多春欲暮華堂高挂新松樹滄江昨夜有奔雷素壁今朝出濃霧石老根翻島嶼垂天陰月黑虬龍怒我聞天台有此松人間那得輕一顧側耳叟聽波濤聲瞿唐灑灑瀕相奔注

報國寺古松歌

燕山古寺松竅古卧如龍蟠立如帟枝榦杳杳森向人欲伸牙爪爭搏取有時月黑西山陰波濤往徃翻江浦半壁雲飛勢欲摧萬戶聲中振風雨春城日暖散晴煙龍返深淵帟息怒湏臾變態復娑娑矯如鳳翔與鸞舞我来睹此意悠然嘆息英才誰敢侮君不見晉日軍中歌韓范儒生可文復可武

送人之桃源

桃源吾欲到為汝亦開情今日孤筇別春山二月程由来將卜隱歸去羨謀生卻念居停在臨岐悵



遠行

春雨夜望

閣夜雲全黑孤燈自照明  
簷花空際落庭草暗中  
生

春盡對雨

寒雨送春太東風滿地愁  
溼花飛不起何似客遲  
留

荒寺

荒寺僧寥落空階鳥雀稀  
諸天無色相大乘少  
堯輝棟宇前朝是江山此  
日非黃金鋪地盡風雨蔽

禪扉

咏燭

分隣嗟績嬾赴熱嘆飛蛾  
孤影棲金屋雙痕濺翠  
娥刻成詩句少秉向夜  
遊多獨有匡衡者偷光鑿  
壁過

送周季眉之松江

老大風零客如今又早秋  
未歸梨嶺去復作泖湖  
遊白浪寒風起錦帆斜日  
收別離各自遠千里路  
悠々

游洪畏軒太常金魚池



南堂詩金卷一  
紅亭高映綠池隈幾度招攜醉酒杯檻外樹經新  
雨洗籬邊花入早秋開魚曾慣客隨波至鳥解聽  
詩出竹來酩酊不知歸去晚何如昏黑漢陂回

過友人居

閉戶鳴蟬響高人卧此中入門清磬發捲幔綠陰  
通讀史三冬日忘懷五柳風頻來君不厭談笑破  
虛空

贈鄭遠公

海內似君少高懷今子貢十年相識舊萬里締交  
新江總還家未仲宣歸賦頻金尊自遣興風起憶

鱸尊

秋夜聽客彈琴

寒月照無寐客來鳴素琴清商復羽調暗露沾人  
襟落葉望西軒秋風過前林蘭操怨遙夜淒切警  
予心

秋原

日夕響原樹鳴蟬聲悠悠白雲在寥廓楊柳連清  
秋夜雨幾時過麥隴青欲浮惆悵行人少長歌散  
旅愁

惆悵詩咏韻



西堂詩金卷一  
惆悵蕭條各異居  
兄南弟北十年餘  
天長雲影初  
飛雁木落秋聲又  
感余萬嶺風煙吹  
鼓角高堂晚  
暮倚門廬極知魚信吞  
鯨浪誰遞空中一紙書

又

惆悵誰知南阮貧  
數杯未厭入吾唇  
龍光斗宿凌  
雙劍豹澤文章萃  
一身寤寐咏歌閒  
歲月淒逢嘆  
息老風塵謾誇咎  
日安江左王謙今  
來是逸民

又

惆悵蒼生日未蘇  
南征車馬幾時無  
聖朝有道起  
新息濁世何人識  
鳳雛露布不聞馳  
壯闕水軍猶

自戰東湖憑誰一洗瘡  
瘡遍倚劍長歌海月孤

又

惆悵羈棲賦曰歸  
風光轉覺舊遊非  
河山回首愁  
如許桑梓開心夢  
較違祭戟當年惟  
鎮靜風波此  
際又危機可憐千載  
勒銘地日夕烽煙幾道飛

秋蟬

日夕秋聲近  
蟬鳴古樹陰  
因風無定響  
飲露有清音  
玄髮餘殘影  
清宵亦苦吟  
行看紅葉路  
聽爾白雲岑

流螢



流螢中夜飛繞座入人衣帶雨光難溼因風火不  
稀避明能自晦處暗必生輝轉盻嵐零質多因腐  
草微

促織

促織暗中吟高堂月欲沉淒淒無限意切切有餘  
音蕩子從軍曲佳人憶別心秋聲不可聽大半在  
前林

秋雨

望久琴書潤莓苔上藥欄風輕井梧落煙重瓦松  
寒暝色和愁杳秋聲入夢殘無人信踈懶者取菊

花團

至日雨

獨鹿逢佳節輕陰鏤未開雲間雙雁去雨裏一陽  
來籬瘦濡殘菊山芳放早梅遙思去年日雪覆鳳  
城杯

瓶梅

日尋春未回今朝春色傷寒梅乍逢影映青  
江岸轉見身登白玉臺高傲不曾延俗客風流祇  
自羨仙才誰知氣骨由来瘦獨向嚴冬雪裏開  
歲暮有感



南堂詩金卷一  
壯志親弧矢存心愧一經還家頭尚黑傲世眼終  
青已許人同醉無為我獨醒西山催暮雪風色夜  
冷

又

守屈應吾道愁吟歲暮時誰憐彭澤酒獨愛草堂  
詩孤憤者霜劍踈狂倒接離心閒從所好難與世  
相宜

送邱東侯之任平山

相送梅花下離情灞水流佩刀臨別路走馬出皇  
州雪白清源驛蒼青望岳樓趨庭應有日來歲會

歸舟

又

之子去何處東行入濟陰江山留臘意花柳欲春  
心獨作宦遊客誰憐歲暮吟後時秋水至相見復  
情深

江柳

江柳生春早江樓繫別情青  
臨陌路歷  
繞邊  
城細雨千門暗斜陽兩岸平傷心惟此樹攀折幾  
回生

落梅



細雨霑雲幔花飛西復東  
溷茵應莫定開落總成  
空窗影虛來月簷香暗  
斷風誰家吹玉笛春盡滿  
城中

感咏

松柏無冬夏堅貞秉所獨  
不與花爭榮豈與花同  
落奈何世上人別具心  
與目歡彼艷冶姿棄此棟  
梁木

又

春風歛夜雨新長桃李枝  
灼灼東窗下紛紛逞艷  
姿各謂有所託嬌冶無盡  
時寧知春色去還被風

雨欺

閨曉

綠窗眠裏聞啼鳥玉鏡臺前梳曉人  
試問桃花昨夜雨不知添上幾分春

聞笛

東風吹柳短長亭燕子歸來芳草青  
一曲傷春山欲暮落梅花恨滿空庭

買花

春來未見花忽聞賣都市凡花開尚早  
盈筐惟桃李愛此花開辰買花供淨几  
呼童汲井華瀉入高



南堂詩金卷一  
九  
餅裏對花聖題詩清吟夜未已入眼漏春光吾今  
且徙倚

蝶

小鬟朝起啟園扉偶入前堂款款飛紅板東西眠  
豔冶青樓十二領芳菲風中柳絮驚難定雪裏梨  
花落不稀陣陣相追隔唐太未知何處弄春輝

春夜聽曲

急管嬌歌夜未央清音縹緲思難忘半遮玉面為  
誰赧細度愁眉只自傷花影一枝呈窈窕鶯聲百  
轉乍低昂可憐斜倚銀缸立斷盡春風又客腸

春遊

到來忘却路東西谷口人稀鳥自啼無數桃花隨  
水去雲深何異武陵溪

惜花

行雲急雨過城西一夜風歛紅滿堤惟有多情雙  
燕子朝來猶自惜香泥

同友人遊玉泉山

相邀尋勝去我友樂相從白練玉泉水蒼虬寶刹  
松天空聞萬籟地迴見孤峰深寺禪房靜繁花照  
古鐘



暮春同友人尋香山碧雲諸勝

勝槩連西境閒遊出較遲  
鷺飛山點雪鶯織柳添  
絲塵淨諸天界雲深祇樹枝  
來迎僧問訊惆悵負花期

又

出寺復尋寺西山生興豪  
探竒穿洞壑選勝聖亭  
畢水氣涼起雨松聲瀉似濤  
寂欣清淨地回首夕陽高

月夜

西嶺銜紅日東方吐碧輪  
有懷秋寂寞不寐夜清

新宿鳥光難定流螢暗自親  
迨河漢濶誰是泛槎人

同黃健可書齋話別

銀燭書齋裏子來鳴素琴  
相逢誰得意欲別轉驚心  
寒月上高閣栖鳥啼舊林  
明朝還世路裘馬一

二

登正覺寺塔遠眺

寶洞陰々夾壁開層梯幾折上香臺  
鈴音互答隨風轉塔勢高懸湧地來  
歷々山光環坵望濛々春色自東迴  
登臨無限襟懷豁獨向清溪一溯洄



萬壽寺觀大鐘兼遊後院園林

寺外清溪柳幔開  
花庭下馬復裴裒  
初隨曲徑尋鐘至  
忽得孤園入洞來  
煙磴移時盤鳥道  
石橋過處恍天台  
西山日暮松風起  
更欲科頭聽一迴

落花

聖父看花落  
蠶零滿院東  
難分桃與李  
但見白兼紅  
有恨霑春雨  
無情逐曉風  
莫須爭倚泊  
飛向紫微宮

玉簪花

昨夜秋陰雨漲沙  
玉簪朝插問誰家  
風前挹桂香

疑是雪裏逢梅色  
謾誇仙子凌波遺  
得種佳人鬆髻隊  
成花籬塘八月欣  
相向再入重陽醉  
菊華

重過西莊感舊

坡塘策馬夕陽來  
寂寞西園鏤落槐  
一自泛舟人去杳  
杳空餘秋水日滌洄

聞簫同院疇生鄭遠公和丁雁水樞部韻

清商日暮燕歸巢  
誰使春心繫柳梢  
吹徹玉關人未返  
怨成金管夢難拖  
秦樓月朗堪飛鳳  
赤壁秋深欲舞蛟  
曲盡夜闌眠未得  
滿庭風竹細相敲

對月憶家兄文御



倚檻看新月高樓靜晚輝河邊烏鶴過天外鷓鴣  
飛艱險應誰共音書祇自稀不眠中夜立時聽搗  
寒衣

天河

分明清迥夜寂顯在秋時風起銀濤動星迴碧漢  
移顧無槎可泛那有石堪支天路自遙遠空傳牛  
女期

送三弟文昂

馬首經秋色白雲千里飛關山辭北去鴻雁向南  
歸曉月臨岐路寒風吹短衣此時一為別何日復

相依

又

十里天微曙行々落月低山橋迎驛馬野店唱荒  
鷄海氣連吳越秋聲入鼓鞞回看花萼遠惟見草  
凄々

奉別建侯升

臨岐送所親欲別轉傷神來作三年客歸為萬里  
人天風吹浦遠夜月照江勻去々家山近秋聲海  
國新

送阮疇生由江右旋里



伊人何處去此日別孤筇燕市悲歌壯楚天秋興  
濃山川留古意草木信行蹤歸路春潮發鄉關望  
夕烽

贈別

孤帆發南國轉棹歸征人別離驚落葉鴻雁滿江  
濱同客十餘載情多勝千春爾亦遭時屈徒步歌  
隱淪豈不憺君遠君家有老親於義竟難留心悲  
誰與陳浮雲各南北行路日埃塵相思不可見歸  
向夢中頻

移居

已擇幽居地無營類閉關風塵雖近市心迹喜多  
閒望愛秋深候吟成夕照間何須攜好友讀史向  
匡山

月夜有懷

寒氣蕭森集四隣海天遙挂碧峰輪已驚秋老風  
吹鬢漸覺更闌露滴身迳有落花愁未掃雲無來  
雁望何頻不知今夜南關月曾解相思照壯人

秋海棠

鳳城十月小春光也許秋花開海棠冷豔更憐看  
有色品題未忍說無香嬌含微雨佳人並醉倚輕



霞公子倦睡覺碧紗窗裏月卻起永夜待紅粧  
銀紅菊同鄭哲象分賦

參差別種出籬東  
最似桃花春不同  
昨夜微霜籠  
細粉今朝落  
月暎輕紅朱簾對  
客蕭疎影  
画閣依  
人濃淡風除卻  
寒芳能潦倒  
尊前無賴聽秋鴻

新月

新掃彎眉倚画樓  
金閨人望學双鈎  
誰教早夜砧  
聲急敲落寒光一片秋

聞角

萬戶霜飛落月陰  
一聲徹動疎林  
何人吹出關

山調驚盡天涯旅客心

賦得清霜換旅衣

落葉清霜重涼颯  
毒暑遷三軍  
思挾纒少嬾欲裝  
綿轉計秋將晚  
深驚客未旋  
且辭締綌去鴻雁滿  
前川

水仙花

歲晏憐嬌態悠然見素心  
潔根沙的的香影水深  
深配竹宜高下依梅自古  
今頻年移得汝夜永伴  
清吟

早春呈鄭遠公



竟日閒窗春晝晴  
閉門讀史懶將迎  
正逢谷口遷鶯語  
漸聽江南歸雁聲  
泚氣欲催山杏發  
暖風時拂水蘋生  
期君花事遙相報  
莫自攜尊出禁城

長安春遊

綵仗峰前積雪移  
鳳城佳氣日遲遲  
上林物色春歸雁  
南陌笙歌曉聽鷓  
鴒  
一聲芳草長鞦韆  
雙戲綠楊垂風光  
入眼遊人醉盡在  
煙花二月時

春日過世刹海訪蒼林上人見梨花盛開次

邱東侯韻

東風次第領花開  
冷豔先春到講臺  
曾向玉堦欺

白雪偶依金刹伴  
青苔散花天女身  
遙立飛錫高僧手  
自栽幾度月明看  
不盡嵐然欲醉紫霞杯

鹵齋

茗飲望鹵齋清風  
日夕佳飛花懸隙  
網行雀上空堦地  
僻情偏適機忘物  
不乖邇來隨所遇  
且復慰天涯

又

院閉遲遲日簾開  
細細香雨餘欣草  
木春晚夢池塘蜂  
蕊登書案燕泥歸  
畫堂悠然閒散步  
高咏落花傍



南堂詩集卷一  
三  
柳花

客心何事轉匆匆，飛絮歛人一夜中。  
苑雪欲來還太薊，門風沾衣忽過紅。  
歸紫陌東日暮，更誰歌折柳落花春。  
盡雨濛濛。

春日贈乾長姪

盡日春風遊子悲，東窗昨夜老花枝。  
憐盡三月河堤飛燕時，我已悠悠為客久。  
憶家山否燕市狂歌十二春，相逢且酌杯中酒。

書齋鼠

獨坐空齋眠未得，蕭蕭微雨夜昏黑。  
明鐙乍滅罷

書聲啗橐頻驚夢，裏客誰言爾黠常。  
畏人徒費辛勤巧，伺隙四壁蕭然只琴書。  
勤巧伺隙四壁蕭然只琴書，爾縱貪饕復何益。

責狸奴

嗟尔無威武，外飾如熊羆。空存搏擊任，安用爪牙。  
為豢養自朝夕，辜負主人私。怯弱不自奮，羣小至。  
蔓滋水懦，民易玩火烈。或畏之無乃，漢汲黯卧治。  
淮南時

夏雨即景

長夏苦炎蒸，西山雲氣逼。昨夜月沉河，鷄鳴涼枕。  
席窗晦起我，遲簾踈風雨。入綠亂盆荷，翻紅綻庭。



南堂詩金卷一  
榴泣佳人催曉粧濃淡施粉鬢眉作遠山青眸凝  
秋水碧移我青書案吟花對花寂

蒼蠅

引類何其多紛々趨炎熱揮塵頻去來狀惡不可  
遏小人甚於斯微物固瑣屑致身廊廟中尔輩宜  
屏絕

友人齋中觀梅

風日今將暖江山歲欲賒出門尋我友乘興訪梅  
花金谷葳芳信梁園玩物華起來飛雪地悞倚玉  
人車隔水香遙度臨窗影半遮滿城春未覺先入

到君家

秋聲十二咏

金風

爽氣西來大火流金風颯々夕陽樓江山有色皆  
垂老天地無聲不帶秋萬里獨看桑梓日一身遙  
在帝王州已教歸憶張翰膾蕭瑟林間總未休

寒雨

高城漠々雨淒淒雙闕連陰擁馬蹄山色暝侵堦  
竹合野煙寒上井梧栖簾跡易入愁人耳秋老空  
閒去燕泥滴向夜窗不宵曙曉鐘帶溼建章西



落葉

白露無聲冷畫欄  
風颺木葉不勝殘  
千山落盡為誰綠  
一片秋來獨自丹  
夢覺玉階時瑟瑟  
望依翠幙日漫漫  
多情那更題詩去  
惟恐御溝流水寒

清砧

秋到黃昏欲斷腸  
千家萬戶搥衣裳  
心隨隴月依沙塞  
聲逐邊風過苑牆  
雙杵永懸河漢外  
孤雲時滯斗牛傍  
不教夢入金微路  
力盡寒侵午夜霜

昏鴉

東郊薄暮起昏鴉  
陣陣歸來蔽落霞  
哀柳門前秋

色淡寒山影外夕  
陽斜背翻殘照  
流金屋聲遶餘枝  
透碧紗最是夜中啼  
不住柔腸夢斷戍樓家

蚤鴈

霜信傳來隴樹紅  
沙洲團聚宿蘆葦  
離羣別向長安月  
失序偏逢南浦風  
萬里獨飛秋色外  
一聲高叫碧雲中  
江開此日銷兵氣  
天路迢迢不窮

暮蟬

日夕蟬鳴向路岐  
旅人聽此益淒其  
獨將苦調催遲暮  
共感流聲帶別離  
地是孤高無定響  
景因搖落故多悲  
燕臺客舍空蕭索  
斷續風前萬木哀



夜蝨

客裏逢秋最不禁微蝨也訴苦寒心每逢草際嚶  
嚶出轉向鐙前箇々吟響徹孤幃催嬾織哀連四  
壁動床琴宵長夢短商聲切露白庭空月色陰

邊笳

開槐落盡少人羣何處笳聲向月聞朔氣已枯邊  
上草悲風半入隴頭雲吹來紫塞霜盈野奏徹交  
河日易曛不用長歌十八拍祇今一曲泪紛々

塞角

無事烽煙撤戍樓開城早晚月如鉤一聲畫角邊

沙起千里黃雲塞雁秋蕩子離家思破敵將軍擁  
節望封侯西風莫向長安落恐入金閨半是愁

機杼

月暎踈窗碧影齊誰家嬾織夜機啼聞聲恐是秦  
川女悔別應知竇氏妻最苦鴛幃長獨宿故成鳳  
綺欲雙棲相思更向蘭鐙倚挑作回文字不迷

剪刀

秋來刀尺遍漁陽紅蓼花開夜正長渺々銀缸侵  
院落聲々玉剪出房廊寒衣一襲千行泪殘漏三  
更九折腸聞道明朝馳漢使和愁強起斷流黃



角

高館清秋裏孤城畫角中一聲墜曉月萬籟起淒  
風邊塞聞應慘深閨淚不空白雲吹去盡天末卷  
征蓬

砧

心緒滿砧杵西風搥夜闌力微聲不續情切韻猶  
寒落月愁誰語長河耿獨看深幃人更苦莫道從  
軍難

冬夜同李羽侯聞于柝聞簫即事

雪寒漏永月初上對酒垂幕酣相向瀛洲海客擅

風流玉簫高引陽開唱乍聽有如百舌鳴淒淒忽  
作猿聲愴不知泣訴慕何人低徊令我心神曠貪  
將勝會款今宵銀燭金尊百花傍滿堂哀玉亂相  
敲西園公子最惆悵啾啾似怨未能休無情有恨  
春風颺曲罷起看星漢斜回驚一樹蒼盡放

寄阮疇生

歲暮懷君萬里心興來屢欲棹山陰別經喪亂他  
鄉久夢斷江開何處尋無限煙花收卷帙許多洞  
壑恣登臨虔州春色真無賴知聽鶯聲入碧岑

雪夜



南堂詩金卷一  
紙窗初上月清寐已三更照徹洞房曙高懸旅幌  
明林鳥起客過風葉似人行出戶嘆淒絕寒光更  
有情

壯心

壯心不自抑屢向五更愁歲暮公孫被天寒季子  
裘開山多雨雪江海少歸舟昧爽披衣起鐘聲越  
禁樓

除夕次韻

天涯喜得故園書先把枰觴醉草廬風送歌鐘知  
夜迴春回爆竹覺寒踈每因為客驚年換也許隨

人守歲除獨愛梅花如我瘦一枝斜影落窗虛

元旦前韻

東皇萬國一車書瑞色光含雪滿廬紫陌珂鳴朝  
騎集建章鐘動曉鷄踈春回宮闕開天仗花覆衣  
冠拜玉除四海載歌元日至旅中又度歲華虛

人日前韻

稍盡將迎復擁書更逢人日愛吾廬花前尊酒鄉  
愁遠雪外春山旅興踈寒梅香院落雙鬢鬢  
雀隊堦除風光從此應無限吟倚南窓對碧虛

元宵前韻



南堂詩鈔卷一  
十一  
勝友相邀枉尺書夜遊忘卻返精廬何來寶馬嬌  
無數是處金吾禁已踈九陌銀花蟾影避滿城歌  
鼓漏聲除皇家更作春臺舞一刻良宵信不虛

送別之晉

客路青々草滿堤垂楊深處聽鶯啼尊前盡是南  
歸者馬首春風獨向西

散愁

徒步愛芳晨散愁邀比隣鷓鴣歌偏對客燕語解留  
人綠野行應遍青山望轉頻春歸何處杏柳絮滿  
江濱

落景

遠眺村煙合深林衆鳥飛西山忽已暮東郭挂斜  
暉川暗羊牛下迢迢樵採歸迨々何所待鐘定掩  
柴扉

題畫

髣髴似山林悠然諧夙心杳冥秋色遠縹緲夕陽  
深一水數枝映千峰羣象臨相看遙可接更欲往  
攜琴

又

寤對相忘假都無塵累封神馳青藹道身入碧雲



峰支遁興何遠謝公情自濃  
鶯花一室內邱壑有遺蹤

南堂詩鈔卷二 前集

晉江施世綸文賢

春日對雪

曉雪中庭白窗虛映碧紗  
溼衣翻似雨到地不成  
花雲暝遲歸雁暮寒集  
早鴉門前過客少愁見酒  
旗斜

登西苑白堦呈黃俞邵太史

鬱蒼佳氣溢神京  
白塔峻嶒俯禁城  
湖水兩分瓊島出  
虹橋三接玉河清  
天連積翠煙常合  
地湧堆雲雨未晴  
寂是宸遊多景色  
長楊詞賦待君成



芳草

莫長王孫路馬蹄踏可傷願生羅襪地日逐阿嬌香

送別

辭北風霜少還家歲月同斷冰隨去鷁細雨逐歸鴻

春日呈林天達

落日紅塵起東風滿鳳城獨憐君作客不是愛浮名

同李羽侯踏春逢妓

亦有留人意桃花愛淺紅自知春色暮無力借東風

春遊同林天達

惜春尋醉曲春衣醉後無勞歌是非芳草陌頭鶯喚  
喚柳花岬上雪飛飛浮雲遠帶西山雨流水徐牽上苑暉市井喧闐防俗客低徊勝槩欲忘歸

郊遊

驅馬出北門散愁風景霽遂令豁心曠遙見西山翠赤頂露玉泉源來甚細林影遠參差岬過綠楊蔽巒岫勾晴陰雲物生佳麗雖近城郭間覺無



俗塵累清風淡蕩吹客子酣游憇且莫促歸歟余  
心正迢遰

春思

日暖百花城春深好鳥鳴畫眉人未返青艸夢猶  
生

秋思

月太簾櫳黑霜來草樹光可憐長夜望應是恹空  
房

觀棋

春風浩蕩夕陽遲閒倚踈簾看奕棋制勝只爭先

一着當機未許劫相持縱橫四塞威何壯出沒中  
原勢不移謗道宣城羸太守東山應見捷書馳

春日郊行同許雲石

聯步都門外青郊滿目春和風吹草長好雨及田  
均物候催林鳥時光散野人山櫻開又落隨意望  
花茵

贈別莊羅峰太史

錦繡朝歌出禁宸珊瑚鞭拂玉麒麟鳳池草別瀛  
洲客紫帽花迎翰墨臣浪裏舟行三月暮柳邊鶯  
轉五湖春知君此去多詞賦繪入河山卷帙新



遊玉泉

玉泉西望翠屏開十里香風隔寺來清磬數聲何  
處發閒看流水望蒼苔

登玉泉山

層軒飛閣鎖峰腰盤出上方鐘磬遙長嘯一聲凌  
絕頂青山數點認前朝

春愁

何事王孫歸未歸可憐閨閣望依々  
花落腸斷江南柳絮飛

春歸

家々花柳散晴暉春去花殘柳絮飛盡是馬蹄經  
過處遊人多少惜芳菲

芍藥

只為多情別卻春千花落盡始含顰東風乍上芳  
香閣暮雨時登錦席茵金屋巧歲巫峽女銀瓶高  
佇漢宮人一枝艷質風流在相贈何須到消漆

石榴花

海上移來不及春莫須惆悵怨芳辰為誰帶雨啼  
紅淚獨自含風啟絳唇紫燕輕添朱幕客黃鸝驚  
換綠衣人芳叢孌娜情何許醉倚南樓窺宋隣



驟雨

天陰夜黑雨聲稠  
雷電蒼茫萬籟收  
客路翻愁沉尺素  
嚴城已覺失更籌  
滿簾似瀉三湘水  
孤室虛榼一葉舟  
洗罷行雲歸洛浦  
依然明月上高樓

燕山午日

佳節逢為客多情異  
去年我家看競渡  
憶在筍江前

玉河觀蓮

太液池開蓮葉新  
花嬌何似鏡中人  
蘭橈乍過鴛鴦起  
江北江南無限春

送友人之江東

引權去江東還家清浦中  
散應如落葉歸已及秋  
風天入朝雲薄波流夜月同  
那堪久聚首此別又匆

螢火

西山螢火亂流影  
入樓臺耿々愁無寐  
輝々去復迴感秋中夜變  
伴客五更灰且莫弄花  
蓋臨書好暎來

奉頌 家大人提師閩海二十韻

席帳分雙闕龍旌建八閩  
老成推有素雄畧筭如



南堂詩金卷二  
五  
神往管方隅寄三千捷伐身鯨鯢摧白浪原野靜  
黃巾掃滅期無累機宜更有陳 皇情矜禦侮星  
使切咨詢萬里宣行急 中朝屬望頻勒銘垂奕  
襖錫爵冠羣臣正喜銷烽燧旋驚起戰塵熊羆威  
下楚犀豹出強秦桑梓遭塗炭生靈萃苦辛 帝  
思頗牧將 廷簡節旄人出禁聲華大從天寵錫  
親青霜飛驛騎白露駐滄津柳拂旗門迴花迎幕  
府新樓船橫海岱笳吹動江濱精采軍容變忠誠  
膽氣貞聞風氛稜散計日凱歌臻銅柱寧相傲朱  
崖非等倫直將名姓待圖畫向麒麟

奉別劉業師令黃縣

獵獵寒風出帝京高賢暫向海東行別違絳帳思  
千里化入絃歌見一城月主祠前初曉露黃山驛  
裏小春晴自公多興誰叅賞徒隔間關立雪情

月夜憶曾用耿

東  
柳濯簷間月花香院底風良宵空復度憶在小樓

寄晉侯升

聞道山西詔承恩更許歸那知倚門望思見老萊  
衣



送客

公及秋風落歸應雨雪多相看遊子發不忍唱離歌

送友人之晉

嘶馬出皇州憐君幾度愁春催梅柳樹酒盡鷓鴣  
裘豫讓風還古之推俗可求無為知己念前路日  
悠々

別友人之邊城

歲暮憐君發梅花對寂寥行々邊地近公々故鄉  
遙朔月遊人夢霜風獵馬驕長城無戰伐為問霍

嫖姚

送蕭誦抑之蔚州

匹馬雲中路行々到蔚州不知遊子意祇訝故人  
愁雪額邊風惡冰河春色浮臨岐回首望鴉滿夕  
陽樓

擁爐次韻

擁火恨寒多霜風凍玉河那堪征戍客朝夕更操  
戈

夜雨

鐘聲傳夜雨殘夢不離家滴入三春艸流穿一徑



南堂詩集卷二  
七  
沙鷺鏗潛過院躡屐暗移花自顧多幽興閒居戀物華

曉霽

春城初曉霽雨氣入窗紗  
隱几聞吹簫披衣掃落花  
人煙沿樹溼池柳帶風斜  
旭日猶沉翳東林散  
早鴉

登華嚴洞

高洞陰陰歲月遲  
客來重讀壁間詞  
山川俛仰悲  
今簪桃李春風又一時

送林爾立之任壽春

江南江北望旌旗  
五郡秋風統銳師  
玉帳今開飛  
馬日金壇再拜落花時  
陳兵已合觀淝水興利尤  
當問芍陂下馬自饒修  
露布軍城夜月好敦詩

贈別鄭九績之任永春

今代銅章古子男  
出分列宿到天南  
御蘭山上花  
迎鳥環翠庭前柳  
拂驂良吏才多非  
宰百使君政  
異必稱三遙知民日歌  
何暮地遍桑麻雨露湛

奉贈李可瑞拜工部員外

鶯啼二月拜恩光  
只尺丹書下建章  
今日能詩何  
水部當年題柱漢  
仙郎冬卿署裏梅花白  
上苑春



中御柳黃共羨鳴珂臨大道朝回揖客帶天香

寄曾用耿

何時清興不君同倏爾分飛似轉蓬  
北地寒深猶有菊南天歲晚正多鴻  
子歸尚戀燕山月我客長懷故國風  
無限蒹葭秋水永令人日暮憶江東

送睿

尊酒送睿事非睿花狼藉減芳菲  
江山路遠憑誰覓長寄相思紫燕飛

夏雨

晝靜人間夏正炎臨風啜茗對前簷  
柳中雨色連

雙闕竹外峰陰隔一簾紫燕何來身半溼  
紅花無語淚頻霑秋時定拂南歸騎此日  
燕雲客思添

留別阮疇生鄭遠公哲菽哲昭諸會嘉陳定

侯母舅逼可兄

嵐風浙々動征輪尊酒離歌出四隣  
十載吟同燕市月一官忙逐馬頭塵  
江干曉鴈愁行客山外秋花憶故人  
別後相思何處是霜橋野店夢頻頻

留別文昂弟

不是趨庭切那堪離別催風霜辭北  
去山水向南來好月他州見孤帆隔  
岬開秋聲聞夜鴈相憶越



王臺

又

執手秋風落前程無數山長途迷霧所歸客  
中間馬倦催投宿鷄鳴浪過關念茲遠別淚不禁欲  
潺湲

又

暫往鄉園太弟兄南北遙山城聞早角野店度霜  
橋楊子秋濤夜江即煙靄朝回看雲白處惆悵復  
道

雨

一肩春色閉四座雨聲長風灑斜侵案泉鳴半入  
塘草露新釀綠花溼不聞香寂是愁人耳江齋生  
夜涼

始發都門宿寶店

十五年來客帝京何期今日向南行長途萬里江  
山外望數秋宵第一程

曉行

征鞍猶帶月客路尚侵星行三十里未辨曉山  
青

野宿



南堂詩金卷二  
客舍無更漏不知秋夜明相思迷遠夢喚醒有鷄聲

白溝河

馳驅何日到鄉關  
垂楊路百灣  
野店踈鐙連客夢  
荒鷄曉月帶征顏  
誰憐一鴈三秋裏  
獨憶孤花兩地間  
相去不知凡幾許  
白雲早已失西山

宿漫河見三弟壁上題詩感作

匆々投宿夕陽時  
壁上逢君舊寫詩  
憶得春深渠到日  
那堪秋後我歸期  
風流冉冉南征賦  
慷慨悠悠北土詞  
明發再登前路更  
看何處墨淋漓

經雄縣

樹色隱村縣  
蒼茫四望平  
霜橋連騎迴  
野水向人清  
天外懸雙塔  
雲端落一城  
南飛同鴈去  
還有北來情

曉發黃河涯望岱岳

曉發黃河涯  
西風吹古道  
明星四野垂  
去馬嘶寒潦  
十里天未明  
荒鷄起我早  
霜冷隔山鐘  
空村砧遙搖  
客思正無窮  
秋聲又將老  
香嵐何處花  
綠暗前途草  
旭日出扶桑  
寒鴉散秋曉  
攬轡俯荒郊  
村原惟梨棗  
嗟哉道路長  
輾轉愁難掃  
悠然見岱宗



南堂詩集卷二  
二  
突兀當懷抱我愛杜陵詩齊魯青未了安得共斯  
人登臨恣探討

泰安道中

峭立如城郭環圍不盡山孤村青靄外半嶺白雲  
間草滿溪橋細煙深鳥道間兩邊惟木合危磴此  
中扳

新泰道中

半嶺起村煙斜陽驛騎前鳥飛巖際沒花發路傍  
鮮雲帶沙溪雨秋明泰岳天石泉清且洩流入遠  
山田

道經泰山

東來逢泰岱駐馬憺經過五岳峙如此千脊青若  
何秋風沽魯酒落日唱齊歌封禪書誰上雲山空  
鬱哉

揚州

躋程惟落日樹色見揚州偃蹇初停騎蒼茫更入  
舟殊鄉新得月歸夢正逢秋廿四橋何處吹簫憶  
夜遊

姑蘇夜泊

楓橋市火照江流酒舸歌船竟夜遊一自吳宮荒



南堂詩集卷二  
廿一  
宴後至今簫管不曾休

錢塘觀潮

買舟猶泊岼沽酒看潮翻海氣侵吳會秋聲讓島  
門一江鳴鼓角萬竒戰鯨鯤想見錢王日英風未  
易論

青湖舟中

舟行日已暮望愛青湖湍々長舟暫泊酌酒青湖  
間湖光初得月照見湖上山不寐復垂釣清風引  
一竿

仙霞關

仙霞嶺上雨霏々閩路山多鼓角飛帟踞當年成  
底事風嵐楓葉著人衣

福州郡樓

七閩歸路遠趨庭長嘯登樓對醪醑喜見海山愁  
割盡雨餘洗出劍鉞青

雨夜宿葉楓驛值舍弟文昂話別未終忽接  
家君郵諭舍弟北行余竟南歸

宿舸江山夜相逢話未終郵筒雲外溼驛火嶺頭  
紅細雨催飛鴈秋風任轉蓬人生同物役聚散一  
宵中



曉月

冷露月淒淒，雙吹畫角齊。  
綠飛千堞上，已隔數峰西。  
色帶霜橋馬影沉，  
苑店鷄東方催欲曙。  
萬戶早鴉啼。

澳柳

細雨鮫門暗，斜風鷺島波。  
年々感攀折，岨上女墳多。

奉侍睿宴

柳色和門綠，桃花鈴閣紅。  
圖書今武惠，裘帶管羊公。  
愛客西園盛，開尊北海同。  
華軒過駮駟，天馬賦

誰工

尋花

花開我不至，我至見花飛。  
黃四娘家少，林行婆舍稀。  
題詩追夙恨，載酒謝相違。  
更約來年道，應歌緩緩歸。

春日尋花題贈

花開時節屢能遊，不是愛花那。  
官留攜酒尋來如，有約題詩別太可。  
勝愁一聲暮，兩人吹笛數點青。  
山客倚樓春至年，江  
水綠河橋柳色繫歸舟。  
雨後月夜同文熙兄登樓作



暮色蒼茫山更深登樓一望豁人心  
雨餘樹杪孤雲過風靜池頭皓月臨  
行入落花香印屐望依疎竹翠  
聯襟知君亦自多清趣漏盡忘歸對我吟

禊日

禊日提壺散水邊惠風上遡永和年  
臨流箕踞看修竹手把蘭亭記一篇

偶題

不事逢迎晝掩扉殘編檢點對斜暉  
興來躡屐澆花去睡起鈎簾待燕歸

雨景

寒情何太促白帝又催歸雨帶花鬢落  
雲霑鴈背飛庭煙凝石竹空翠冷薔薇  
自覺隨疎放重門來往稀

有憶

景晏聞鴻鴈相思望羽翰不因歸故國  
誰解憶長安白雪孤幃冷金風翠東寒  
南樓夜々月空度碧雲端

暮春題三弟齋壁

性約知齋小閒來事々幽鳥啼花落  
盡暮色未全收



山遊

橋平春水長溪午寺鐘稀十里行山徑青松白鶴飛

郊行

雨後適芳郊春風遍草郊尋山隨徑轉處處鳥聲交

古意

游人滿春煙聽妾歌南陌不知妾意苦徒憐妾顏色

又

曉起折園梅金瓶貯落月素手汲寒漿天陰井泉冽

溪頭

蝶舞溪頭戀野菲行隨啼鳥到園扉清流曲曲穿林麓翠岫層層浥露霏柳絮亂來三月暮桃花落盡一春歸風和日暖江山麗攜得醞醕醉夕暉

雨中別春

漠漠寒雲鎖碧陰萬家煙樹雨中深黃鸝百轉催春去紫燕雙飛入暮尋溼艸有情垂別泪落花無語動歸心河橋來歲迎舟楫知與相逢在舊林



贈別蕭誦抑赴鳳陽

君今南棹自幡然千里又期別後天  
潞水辛勤非一日燕雲留滯已三年  
相思夜聽荷花雨離恨朝看柳樹煙  
此太宦遊多逸興徐牽錦纜泛山川

送楊蔡二子南歸

二月春明泚景開客歸卻值雁飛來  
桃花煙雨孤舟遠楊柳津河兩騎催  
興到為誰歌白雪情多空自餞金壘  
征途好共吟芳草此太知非寂寞回

贈別曾韜人太史

紫陌東風日正長錦衣歸帶御爐香  
論交已覺鶯鳴早贈別那堪驪唱忙  
滿路煙蒼迎太史一春雲物待仙郎  
南中山水自佳麗阮瑀還須入帝鄉

哭文昂弟

舟騎辛勤歷一場為君南覲故匆忙  
只愁生別聊分手誰料死歸翻斷腸  
鴻雁影沉雲序失鶴鴒魄散雨聲涼  
獨留世上他鄉客泪盡青山半夕陽

又

大夢不回空杳然玄關永閉豈逃禪  
萱堂早暮呼何在花萼東西淚獨偏  
竟向夜臺幽白日長餘春月照黃泉  
寡妻穉子吾當撫痛哭那堪折少年



午日富美中置酒筍江觀渡

筍江競渡波翻綠筍江觀渡人如玉公子開筵江  
水頭青山對酒張雲幄錦標十丈曳虹霓綵羽千  
羣散鴨鷺翻江攪海龍出角白日雷霆驅鼓鼙越  
兒習水鬪輕捷兩岸歡聲振石硤湏臾黯淡遍芳  
洲頭上黑雲欲頽墜斜風急雨吹暮潮煙波只尺  
漲平橋遊人興盡各歸去江女江妃愁寂寥

旃陀巖同許徵若楊家良曾貽仲

亭午傍山行迢々神已往一徑入松陰秋蟬鳴其  
上危磴轉未安忽聞瀑水響古佛棲何年嵐然塵

外想回瞻翠微路我友來三兩

登賜息巖訪歐陽行周石室

策馬向東郊秋山淡容與訪古愛登臨未遑問淨  
土上有歐陽廬精爽在何許洞壑幾回尋遂得讀  
書所石室暗生塵講堂晝穿鼠臨軒一憮然西風  
滿懷緒

石室

落葉遍寒山相與登石室裂壁微逕開松風聲瑟  
瑟世尊獨屏遺萬古同嶮崿我来騁游目雄觀山  
海日



寒柳

葉老鴉啼可自勝，眉殘春恨幾層層。  
青空南苑千條縷，凍合御溝十月冰。  
灞上愁無風落去，章臺折盡歲還增。  
鼠零不見無凋樹，秋氣森森鬱五陵。

和文中弟軍中夜懷

秋遠天高靜夜分，風吹刁斗月中聞。  
龍旌搖曳清霄漢，蛟室依稀淨島雲。  
萬櫓不喧齊號令，三軍安寢息妖氛。  
永懷細說封侯事，一劍長歌愧屬文。

題文熙兄齋頭

愛君別業且幽深，不憖相過諧夙心。  
花覆檻前如

解笑鳥啼窗外似，知音夜閒池印青。  
山月晝靜門通綠，樹陰何日風塵渾。  
莫問望依流水聽，彈琴

夜宿家大人軍中

森々肅氣映樓船，夜裏魚龍靜不喧。  
十萬金戈搖島嶼，三千玉帳罷烽煙。  
伏波建節朱崖日，公瑾陳兵赤壁年。  
天子正開麟閣待，將軍佇奏凱歌旋。

克澎湖

獨承恩遇出征東，仰藉天威遠建功。  
帶甲橫波摧窟宅，懸兵渡海列艤艫。  
煙消烽火千帆月，浪捲旌旗萬里風。  
望奪湖山三十六，將軍仍是舊英雄。



東征頌三十六韻

貢獻殊方至懷柔聖德鴻如何憑險阻猶未覆帡  
 幪出沒波濤暗憑陵旌旆紅烽煙驚粵徼鞞鼓震  
 閩中 天子赫斯怒將軍策伐戎 詔從廊廟下  
 人出禁垣東萬里專征寄千秋知遇隆隻身原許  
 國寸膽盡輸公韓范韜鈴熟孫吳節制雄英聲齊  
 沆瀣爽氣敵崆峒黑水收層浪丹心格上穹耿恭  
 祈井湧疏勒刺泉通師次平海衛軍中乏水家君禱井而甘泉湧因斲石為碑勒曰師泉秉  
 鉞嚴霜烈揮戈旭日曛將星明帝座妖祲暗天蓬  
 決勝先深入垂謀建夾攻波臣皆効命颯母亦輸

忠

是役舟泊八罩經旬颶風不作六時潮水加長我師大捷

獨勵三軍衆爭捐七尺躬五

蒼開組練八陣演艤艫急擊鯨波折長驅蟻穴空

羽書馳幕府露布奏 宸宮全國兵為上殲魁氣

已洪懸軍宣德意戰武用和同帆掃騰霄蜃旗翻

飲海虹王師真不殺頑蠶自知終納款歸金印披

誠向紫楓壺漿迎父老拜舞樂兒童開拓寰區廣

招徠版籍充凱歌揚聒々笳鼓振逢々棗梓銷鋒

鏑蒸黎起困窮以茲肅 帝簡庶少盡臣衷乃是

舒南顧非開勤遠功 龍顏端有喜席竹又新蒙

褒寵絲綸重榮光雨露蝟大廷推繡衮睿藻賦彤



南堂詩集卷二  
二  
弓鐘鼎銘勲舊河山錫爵崇 君恩深浩蕩俯仰

沐皇風

海島三世包蘖幾四十年樓船進討一戰克彭湖敵遂舉國納款捷聞 上大喜降書褒美仍解 御服並製宸章馳 賜

家君 詔封靖海將軍靖海侯世襲罔替 國恩深重誠不知如何圖報也

題江南旅壁

三月春深柳絮飛長堤萬點拂征衣明朝別卻江南道齊魯山青入翠微

內廷 御試恭賦

玉漏聲初歇朱旗柳外迷明星當闕大天漢太人低九陌連朝騎千衢唱曉鷄 君門猶未啟鷄羽集東西

又

紫閣傳呼入丹墀拜舞叨蓬萊宮日近支鶴殿雲  
高  
清  
問  
垂  
天  
藻  
摛  
文  
愧  
月  
毫  
芻  
蕘  
無  
可  
採  
難  
答  
聖  
心  
勞

答贈翁伯芳畫蘭見貺

一堂風日暖滿幅吐幽蘭花葉經冬後馨香入夜  
闌如尋空谷太相對幾叢看知子抱芳意時時露  
筆  
端

題畫

湘水四時綠風帆竟日飛茅亭深宿霧村落帶餘



南堂詩鈔卷二  
廿  
暉花遠孤雲暎山空獨鶴歸徑斜人欲到樹裏有  
柴扉

送李青眉員外旋里

仙郎多古調逸興向南征明月候潮信秋風數驛  
程巖花留別意湖鴈帶歸聲報到鄉開日春江綠  
水生

述懷東魯用耿

少有登臨興東山志未諧非忘經濟日獨尚古今  
懷天地春風滿江開客思乖何當歸邑里與子卜  
高齋

送蕭誦抑之任懷遠

南國多名士茲行意不違題詩桃閣雨對酒亢城  
暉歲暖花爭發江春鴈欲歸遨遊成薄宦來往似  
君稀

留別鄭山公通政黃俞邵陳介石太史張綬  
夫李青眉工部

孔雀非鳳儔駘豈驥匹整翮愧雲霄竭蹶慚奔  
逸羣公濟世心望謀富經術致君有餘思皇風吹  
鬱律聲教暨南溟波濤已寧謐奕葉被恩光雨露  
正霑溢顧無殊俗姿謬膺百里秩三異固匪彛置



身敢自佚木葉滿亭皋  
秋風聲瑟瑟 踟躕臨路岐  
騷歌催落日 冉冉見黃花  
修途戀京邑 回首望故人  
雲間惠佳什



書